



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Է. ԳՐԻԳՈՐՅԱՆ

« 14 » 04 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000035

Ձեռնարկողը՝

«Ա-Քարավան» ՍՊԸ

Արագածոտնի մարզ, Կաքավաձոր համ.

Գործունեությունը՝

Կաքավաձորի տուֆերի հանքավայրի արդյունահանման
շրջակա միջավայրի վրա ազդեցության գնահատման
հաշվեկշիռություն

Արագածոտնի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Դոնոյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000035

<< 14 >> 04 2020թ.

Կաքավածորի տուֆերի հանքավայրի արդյունահանման շրջակա միջավայրի վրա ազդեցության գնահատման հաշվեկշիռային

Ներածական մաս.

Պատվիրատու՝	«Ա-Քարավան» ՍՊԸ
Նախագծող՝	«Ա-Քարավան» ՍՊԸ
Ներկայացված նյութեր՝	- Շրջակա միջավայրի վրա ազդեցության (ՇՄԱԳ) հաշվետվություն, - նախագծային փաստաթուղթ
Տեղադրման վայրը՝	Արագածոտնի մարզի Կաքավածոր համայնք

Հայցվող տարածքը գտնվում է Արագածոտնի մարզի Թալինի տարածաշրջանում և տեղակայված է Կաքավածոր համայնքում: Ամենամոտ զգայուն կլանիչները գտնվում են համայնքի հյուսիսային մասում՝ մոտ 1.1կմ հեռավորության վրա: Հանքավայրի երկրաբանական կառուցվածքը ներկայացված է դիաբազային տուֆերով, արթիկի տիպի տուֆերով, հրաբխային խարամներով, անդեզիտաբազալտներով և ժամանակակից նստվածքներով: Օգտակար հանածոների արդյունահանման նպատակով հայցվող տարածքը ներկայացված է գյուղատնտեսական նպատակային նշանակության «արոտավայրեր» գործառնական նշանակությամբ հողերով:

Կաքավածորի հրաբխային տուֆերի հանքավայրի տարածքը գտնվում է 1750-1770մ բացարձակ բարձրությունների վրա՝ հետևյալ կոորդինատներով.

- | | |
|------------------------|------------------------|
| 1. X=4470360 Y=8419177 | 5. X=4470278 Y=8419293 |
| 2. X=4470403 Y=8419283 | 6. X=4470240 Y=8419286 |
| 3. X=4470336 Y=8419275 | 7. X=4470218 Y=8419218 |
| 4. X=4470317 Y=8419285 | |

Նկարագրական մաս. Կաքավածորի հանքավայրում հաշվարկվել են տուֆի պաշարներ ըստ կարգերի. A – 671.2հազ.մ³, B – 876.8հազ.մ³, C1– 3059.8հազ.մ³, A + B + C1 – 4607.8հազ.մ³, ԽՍՀՄ մինիստրների սովետին կից ՕՀ ՊՊՀ-ից 1972թ. հունիսի 30-ի N 6588 արձանագրությամբ հաստատվել է Կաքավածորի հանքավայրի տուֆերի հաշվեկշիռային պաշարներն /առ 01.01.1972թ., ԳՈՍՍ – 9479-69 և 9480-69 ամսականներին համապատասխան/ հետևյալ քանակներով (հազ.մ³) և կարգերով.
- մինչև 200կգ/մ² սեղմման ամրությամբ՝ A կարգ–671.0հազ.մ³, B կարգ– 283.0հազ.մ³.



- մինչև 200կգ/սմ² բարձր սեղմման ամրությամբ՝ B կարգ-594.0հազ.մ³, C կարգ - 306.0հազ.մ³:

«Ա-Քարավան» ՍՊԸ-ի կողմից հայցվող Կաքավաձորի տուֆերի բացահանքը զբաղեցնում է 1.35հա տարածք, նախկինում շահագործվել է այլ կազմակերպության կողմից: Նախկին մակաբացման ապարները հանվել և տեղադրվել են բացահանքի արևմտյան՝ շահագործված մասում: Տարածքում ներկայիս մնացորդային մարվող պաշարները կազմում են 89500.0մ³, արդյունահանվող պաշարները՝ 80.0հազ.մ³, իսկ շահագործման ժամկետը 16 տարի է:

Սույն նախագծով նախատեսվում է.

- հանքավայրի շահագործումը իրականացնել բաց լեռնային աշխատանքներով,
- արդյունահանել ուղիղ կտրվածքի քար, տարեկան 5000.0մ³ (արդյունահանվող պաշար) տուֆի զանգվածի հանույթով /5593.75մ³՝ տուֆի մարվող պաշար/,
- արդյունահանման աշխատանքները կատարել մեխանիզացված CMP- 026 քարհատ մեքենայի միջոցով, իսկ արդյունահանված քարերի իրացումը տեղում,
- մակաբացման ապարները պահեստավորել ժամանակավոր արտաքին, այնուհետև ներքին լցակույտերում,
- մշակված տարածության լեռնատեխնիկական ռեկուլտիվացիա,
- բացահանքի արտադրական հրապարակում բեռնարկղային տիպի գրասենյակի և կենցաղային սենյակի տեղադրում:

Ելնելով հանքավայրի երկրաբանական կառուցվածքից, հետախուզման մեթոդի պաշարների հաշվարկը կատարվել է երկրաբանական բլոկների եղանակով: Կաքավաձորի հանքավայրը բաժանվել է 4 բլոկների՝ բլոկ I – A, բլոկ II – B, բլոկ III – B, բլոկ IV – C:

1-ին տիպի բլոկների մոտավոր ելքը կազմելու է 42%, 2-րդ տիպինը՝ 10%: Մանր բլոկները, որոնք չեն համապատասխանում ԳՈՍՏ – 9479-69 պահանջներին, կարող են օգտագործվել որպես պատքար, իսկ թափոնները, որոնք ստացվել են բլոկների արդյունահանումից՝ խամ քար և թեթև բետոնի լցոն:

Հանքավայրի մնացորդային պաշարները նույնպես նախատեսվում է շահագործվել բաց լեռնային աշխատանքներով քարհատ մեքենաների օգտագործմամբ՝ 0.42մ բարձրությամբ աստիճաններով:

Նախագծվող բացահանքի վերջնական եզրագծի պարամետրերն են.

- բացահանքի առավելագույն երկարությունը – 163.0մ;
- բացահանքի առավելագույն լայնությունը – 110.0մ;
- բացահանքի առավելագույն խորությունը (ամենաբարձր և ամենացածր նիշերի միջև եղած տարբերությունը) – 12.5մ;
- մակաբացման ապարների ծավալը – 3100.0մ³ /նախկին լցակույտ/:

Բացահանքի շահագործման ժամանակ նախագծային կորուստները որոշվում են ըստ 2 խմբերի.

1. Ըստ լեռնատեխնիկական պայմանների կախված օգտակար հաստաշերտի տեղադրման եզրագծի բարդության աստիճանից և անկման անկյունից: Դրանք այն կորուստներն են, որոնք բնամասերի տեսքով մնում են բացահանքի կողերում և հատակում: Այդ կորուստները կազմում են՝ 8580.0մ³ (9.59%):

2. Շահագործողական կորուստներ, այս դեպքում նրանք կանխորոշվում են արդյունահանման տեխնոլոգիայից և ընդունվում են 500.0մ³ (0.56%) և բացող խրամի տակ մնացող կորուստներ՝ 420.0մ³ (0.47%):

Ելնելով հանքավայրի կլիմայական և լեռնատեխնիկական պայմաններից, տեխնոլոգիական նորմերից նախատեսվում է աշխատանքներն իրականացնել շուրջ տարի, տարեկան 260 աշխատանքային օր, օրեկան մեկ հերթափոխով 8 ժամ տևողությամբ,



Տարածքի հիմնական ջրային միավորը Սելավ Մաստարան է իր Սևջուր գետի աջ վտակով: Հայցվող տարածքից մոտ 140.0մ արևմուտք գտնվում է անանուն սաղր տաշտակաձև ձորակ, որտեղ ջրահոսք ձևավորվում է 2-3 տարին մեկ պարբերականությամբ, ձնառատ տարիներին ձնհալի հետևանքով: Գարնան վերջից մինչև խոր աշուն ձորակը անջուր է:

Ստորերկրյա ջրային հորիզոններ հանքավայրի տարածքում չեն արձանագրվել, ինչը հաստատվել է հանքավայրի տարածքում կատարված երկրաբանական ուսումնասիրության աշխատանքների, բազմաթիվ բացահանքերի շահագործման արդյունքներով:

Բացահանքի լեռնատեխնիկական վերականգնումները իրականացվելու է բացահանքի շահագործման ավարտից հետո: Լցակայանում մակաբացման ապարների մնացած մասը՝ մոտ 6680.0մ³ ծավալը, նախատեսվում է տեղափոխել 1785մ բարձրության հորիզոնում բացված 1260.0մ² մակերեսի վրա՝ 5.3մ բարձրությամբ, և հարթեցնել: Հարթեցման աշխատանքներ կկատարվի ընդհանուր 16820.0մ² մակերեսի վրա, որում ներառվելու են բացահանքերի ողջ մակերեսը՝ մոտ 10000.0մ², արտադրական հրապարակը՝ 250.0մ², ավտոճանապարհները՝ 3370.0մ², ինչպես նաև նախկինում տեղադրված արտաքին լցակայանի մակերեսը՝ 3200.0մ²:

Խախտված տարածքի լեռնատեխնիկական վերականգնման համար անհրաժեշտ ծախսերի խոշորացված հաշվարկները կկազմի ընդամենը 2075.3հազ.դրամ, ընդ որում 1.0մ² մակերեսի վերականգնման աշխատանքների համար՝ 123.6դրամ, իսկ մարվող պաշարների 1.0մ³-ի վրա՝ 22.5դրամ:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

- նավթամթերքների պահեստավորում և պահում արտադրական հրապարակում հատուկ հատկացված տեղում (բացօթյա կամ ծածկի տակ պահեստ), որին տրվելու է համապատասխան թեքություն, ինչը կապահովի թափված նավթամթերքների հոսքը դեպի այն հավաքող բետոնապատված փոսը,
- օգտագործված յուղերի ու քսայուղերի հավաքում առանձին տարրաների մեջ՝ հետագա ուտիլիզացման կամ երկրորդական վերամշակման համար,
- այն հատվածներում, որոնք նախատեսված են շինարարական տեխնիկայի տեխնիկական սպասարկման և կայանման համար պետք է տեղադրել ավագ կամ մանրախիճ,
- հնամաշ դետալների ու մասերի հավաքում հատկացված առանձին տեղում և հանձնում որպես մետաղական ջարդոն,
- կենցաղային աղբի տեղափոխվում մոտակա աղբահավաք կետեր,
- արտաթորվող վտանգավոր նյութերի չեզոքացուցիչ սարքերի (ծխագազերի ֆիլտրներ) տեղադրում:
- փոշենստեցման նպատակով ճանապարհների և արտադրական հրապարակի ջրում տարվա չոր և շոգ եղանակներին,
- կեղտաջրերի հավաքում հորատի պ զուգարանում, որը հետագայում դատարկվում են հատուկ ծառայության ուժերով,
- խախտված տարածքների ռեկուլտիվացիա:

Կաքավածորի տուֆի հանքավայրից տուֆերի արդյունահանման ընթացքում «Ա-Քարավան» ՍՊ ընկերությունը իրականացնելու է շրջակա միջավայրի վրա բացասական ազդեցության կանխարգելման և մեղմացման ուղղված հետևյալ մշտադիտարկումները.

- մթնոլորտային օդ կատարվող աղտոտող նյութերի արտանետումների որակական և քանակական պարամետրերի պարբերական չափումներ՝ հունիս-սեպտեմբեր ամիսներին (շոգ և քիչ տեղումներով եղանակին)՝ օգտակար հանածոյի արդյունահանման ընթացքում յուրաքանչյուր շաբաթը մեկ անգամ:

- նավթամթերքներով արտադրական հրապարակի հողերի աղտոտվածության մոնիթորինգ՝ տարեկան մեկ անգամ հաճախականությամբ:

Ընդերքօգտագործման հետևանքով բնապահպանական կորուստների նվազեցման, անվերադարձ ազդեցության կանխարգելման և աղտոտվածության ուսումնասիրության



Պատճառաբանական եզրահանգումներ: Վերլուծելով ներկայացված նախագծային փաստաթղթերի փորձաքննության արդյունքները, շրջակա միջավայրի նախարարության համապատասխան ստորաբաժանումներից ստացված կարծիքները, 21.01.2020թ. արտադրական վտանգավոր օբյեկտների նախագծային փաստաթղթերի տեխնիկական անվտանգության փորձաքննության դրական N 59 եզրակացությունը, Կաքավաձոր համայնքի տարածքում իրականացված հանրային քննարկումների արդյունքները՝ կարելի է անել հետևյալ եզրահանգումները. նախատեսվող գործունեության իրականացման ընթացքում Կաքավաձորի տուֆերի հանքավայրի արդյունահանման նախագծի ՇՄԱԳ հաշվետվությունում նախատեսված միջոցառումների արդյունքում տարածքի աղտոտվածությունը՝ շրջակա միջավայրի բոլոր բաղադրիչներով, կգտնվի թույլատրելի նորմերի սահմաններում: Նախագծում ներառված են հոսքաջրերի հեռացման և մաքրման, աղմուկի մակարդակի, թափոնների հավաքման և դրանց հնարավոր ազդեցությունների մեղման, աղբահեռացման, մթնոլորտի աղտոտվածության նվազեցման, խախտված տարածքների ռեկուտիվացիայի և մոնիթորինգի իրականացման բավարար միջոցառումները:

1. Աշխատանքների իրականացման ընթացքում անհրաժեշտ է խստագույնս հետևել ՇՄԱԳ հաշվետվությունում և նախագծային փաստաթղթերում ամրագրված տեխնոլոգիական նախագծման նորմերին, բնապահպանական և սոցիալական կառավարման ծրագրի պահանջներին:
2. Գործունեության ընթացքում իրականացվող շրջակա միջավայրի բաղադրիչների (ջուր, օդ, հող, կենդանական և բուսական աշխարհ և այլն), ինչպես նաև հետնախագծային վերլուծության ծրագիրը համապատասխան պահանջի դեպքում պետք է տրամադրվի պետական շահագրգիռ մարմիններին և հանրությանը: Մոնիթորինգի արդյունքների չբավարարման դեպքում անհրաժեշտ է նախատեսել լրացուցիչ միջոցառումներ՝ պարտադիր պահպանելով բնապահպանական, կառուցման և շահագործման հետ կապված բոլոր նորմերը:
3. Անհրաժեշտ է ստանալ ՀՀ կառավարության որոշումը՝ հողերի նպատակային և գործառնական նշանակության փոփոխության վերաբերյալ:
4. Հանքարդյունահանման աշխատանքների իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով՝ ներկայացնել շրջակա միջավայրի նախարարություն:

«Ա-Քարավան» ՍՊԸ կողմից ներկայացված Կաքավաձորի տուֆերի հանքավայրի արդյունահանման շրջակա միջավայրի վրա ազդեցության գնահատման հաշվետվության վերաբերյալ տրվում է որոշման հիմնական կետեր՝ վերը նշված փորձաքննական պահանջների պարտադիր կատարման ապահովումով:

Կ. Մոկսիսյան